



Broj: 03-02-404/17  
Travnik, 04.01.2019.godine

**Organi uprave i upravne organizacije Srednjobosanskog kantona  
N/R ministrima, rukovodiocima**

**Općine na području Srednjobosanskog kantona  
N/R načelnicima i šefovima nadležnih službi**

**Javne ustanove (JU) čiji je osnivač i/ili većinski vlasnik Srednjobosanski  
kanton/Jedinica lokalne samouprave (JLS) sa područja SBK  
N/R direktorima**

**Javna preduzeća (JP) čiji je osnivač i/ili većinski vlasnik Srednjobosanski  
kanton/Jedinica lokalne samouprave sa područja Srednjobosanskog kantona  
N/R direktorima**

**PREDMET: Poziv za dostavljanje srednjoročnih (trogodišnjih) planova potencijalnih  
projekata javno-privatnog partnerstva za period 2019. - 2021. godine i  
godišnjih planova potencijalnih projekata javno - privatnog partnerstva za  
2019. godinu.**

Poštovani,

Finaliziranjem zakonskog i podzakonskog okvira za javno-privatno partnerstvo Srednjobosanskog kantona, kojeg čine Zakon o javno-privatnom partnerstvu ("Službene novine Srednjobosanskog kantona", broj: 3/18), Uredba o identifikaciji, pripremi, ugovaranju i praćenju implementacije projekata Javno-privatnog partnerstva ("Službene novine Srednjobosanskog kantona", broj: 7/18), Pravilnik o uspostavljanju i vođenju Registra ugovora o javno-privatnom partnerstvu ("Službene novine Srednjobosanskog kantona", broj: 10/18), stekli su se uslovi za identifikaciju potencijalnih projekata JPP i postupak pripreme srednjoročnih (trogodišnjih), i godišnjih planova potencijalnih projekata JPP.

S obzirom da je do 15 aprila 2019. godine planirana priprema i izrada drugog po redu Kataloga potencijalnih projekata javno-privatnog partnerstva u Srednjobosanskom kantonu, pozivamo sva javna tijela sa područja Srednjobosanskog kantona da u skladu sa članom 13. Zakona o javno privatnom partnerstvu SBK i članovima 3. i 4. Uredbe o identifikaciji, pripremi, ugovaranju i praćenju implementacije projekata Javno-privatnog partnerstva SBK identifikuju potencijalne projekte iz svoje nadležnosti i izrade svoje srednjoročne i godišnje planove na obrascima propisanim u Aneksu 1, Aneksu 2, i Aneksu 3, koji čine sastavni dio navedene Uredbe.

Organi uprave i upravne organizacije Srednjobosanskog kantona i jedinica lokalne samouprave sa područja Srednjobosanskog kantona izrađuju prijedlog srednjoročnog plana potencijalnih JPP projekata (za period 2019. - 2021. godine) i godišnjeg plana potencijalnih JPP projekata (za 2019. godinu), i dostavljaju ga Vladi Srednjobosanskog kantona odnosno nadležnom organu JLS na usvajanje, a nakon usvajanja isti se dostavljaju Ministarstvu privrede Srednjobosanskog kantona.

Javne ustanove i javna preduzeća čiji je osnivač i/ili većinski vlasnik Kanton ili JLS izrađuju prijedlog srednjoročnog plana potencijalnih JPP projekata (za period 2019.- 2021. godine) i godišnjeg plana potencijalnih JPP projekata (za 2019. godinu) i putem resornog ministarstva, odnosno nadležne službe JLS, dostavljaju Vladi Kantona, odnosno nadležnom organu JLS, na usvajanje, a nakon usvajanja isti se dostavljaju Ministarstvu privrede Srednjobosanskog kantona.

U slučaju izmjena srednjoročnog plana potencijalnih projekata javno-privatnog partnerstva isti se završavaju svake godine uporedo sa donošenjem godišnjeg plana potencijalnih projekata na način propisan članom 3. Uredbe o identifikaciji, pripremi, ugovaranju i praćenju implementacije projekata Javno-privatnog partnerstva SBK.

**Pozivamo vas da najkasnije do 15. 03. 2019. godine dostavite usvojene srednjoročne i godišnje planove potencijalnih projekata Ministarstvu privrede Srednjobosanskog kantona na adresu: Prnjavor 16a, 72270 Travnik.**

Navedeni planovi će biti osnov za izradu Kataloga potencijalnih projekata Srednjobosanskog kantona za period od 2019. - 2021. godine.

Kako bi što više zainteresovanih javnih tijela uključili u izradu srednjoročnih i godišnjih planova potencijalnih JPP projekata, molimo Vas da ovaj poziv prosljedite javnim tijelima, javnim ustanovama i javnim preduzećima čiji ste vi osnivači i/ili većinski vlasnici.

Zakon o javno-privatnom partnerstvu i Uredbu o identifikaciji, pripremi, ugovaranju i praćenju implementacije projekata Javno-privatnog partnerstva Srednjobosanskog kantona sa Aneksima za izradu srednjoročnih i godišnjih planova potencijalnih projekata JPP možete preuzeti na web stranici Vlade Srednjobosanskog kantona - Ministarstva privrede Srednjobosanskog kantona:

<http://sbk-ksb.gov.ba>

Napomena: Obrasci Aneksa popunjavaju se u elektronskoj formi i možete ih preuzeti na web stranici Vlade Srednjobosanskog kantona - Ministarstva privrede Srednjobosanskog kantona: <http://sbk-ksb.gov.ba>

S poštovanjem,

Dostavljeno:

- naslovu
- web stranica Vlade SBK
- a/a



MINISTAR

dr.sc. Sedžad Milanović